

Symon de Montmoyen et Yolant de Rochefort sa femme (1276)

Extrait du cartulaire de l'Abbaye de Longuay ordre de Citeaux diocèse de Langres tiré à partir de Mélanges sur l'Histoire de la Champagne.

transcription des pages 11 et 12/240 Yves Degoix le 06/12/2014 

[page de gauche 11/240](#)

A touz ces qui verrunt et orront ces presentes
lettres noz Jehanz de Roichefort tresoriers de
Leingres et Gauthiers Chevaliers del dit Roichefort
Sire de la Poiset en Beasse frere Germain salut en
nostre Seignor / haiez cogneu que Symonz de Montmoien
escuiers establiz en nostre presence, ha cogneu et
confesse pardevant nos que il pay lou lox
Yolant sa famme nostre coisine, ha baillie et
delivre en heritaige permainamble a religious
hommes a l'abbe et au couvant de Longue un
suen pre assiz desoz Montmoien tout ce qu'il i ha
ou puet ou doit avoir par aucung droit, saure la
iustication liquiez prez est ioignantz a l pre qu'on
appelle Gorgin, et est icilz prez orandroit de
l'eglise d'Essaroy, et lidiz prez baillez deldit Symon est
ioignant es prez esdiz abbe et couvant de Longue, et est lidiz
prez de l'heritage audit Symon et murt de nostre Fie de Rochefort /
Avec ce lidit Symon et Yolanz sa famme veulent
et otroient que lidit religious abbez et couvanz de Longue
essartoient et atripoient ou facent essarter
estoiper bosc crissant et venant oudit pre, et tornoient et
facent torner l'eaue de Montmoyen por amander le ditz prez
en touz tens a lox volonte, et prannent bosc sur
la riviere d'aultres choses ou finaige de Montmoyen en ce
qui appartient a la partiz a la seignorie deldit
Symon domaiges randanz senz autre acoision, c'est a
savoir por faire escluses por torner l'eaue esdiz
prez pour amander ne por cest amandement ne doivent
pas le dit abbez et couvanz si retraire ne
abrissier la dite riviere que li poisson en vaillent pis,
et toutes ces choses desus dites vallent et
etroient et promettent a tenir ci devant dit Symonz et Yolanz
sa famme par les foiz corporex baillier en nos
mains et spetiaunement la dite Yolanz a cogneu
par devant nos que ce fait elle de sa
bonne volonte senz coaction et si renunct en ce fait

[page de droite 12/240](#)

par sa foy a sum doaire ou a autre assene.... et se desueissent
lidiz Symonz et Yolanz sa famme des choses desus dites et en
reueissent les devant diz abbe et couvant de
Longue par la delivrance de ces presentes lettres saalleez
de noz seels por ce que li devant dit Symonz et

Yolanz sa femme ont cogneu par devant noz
qu'ilz ont receu en eschange de ces choses desus dites
des diz abbe et couvant de Longue un champ
assis au Vaul de Montmoyen qui est diz champs
des Maisieres por laquel chose nos a la
requeste des devant diz Symont et Yolant
sa femme comme Seigner del Fie volons et
octroions les dictes convenances et en prometons
contreindre les ditz Symont et Yolant sa femme
ou loz hoirz , se il la quelque chose
defaille venient an aucung tans contre les dites
convenances et de ce faire en obligons nos
nos successors Seignors del dit Fie / En
tesmoignage de laquelle chose nos a la
requeste des devant dit Symont et Yolant
sa femme avons mis nos seals en ces
presentes lettres en confirmation et en
approvement de celles qui furent qui
furent faites en l'an de grace mil et
deux cenz et sixante seze ou
mois de marz.

1276